

KERATAN AKHBAR

TARIKH : 20 OGOS 2023
AKHBAR : BERITA HARIAN
MUKA SURAT : 14

Permintaan domestik tonggak pengembangan ekonomi negara

Permintaan domestik tonggak pengembangan ekonomi negara

KDNK Malaysia suku kedua 2023 berkembang 2.9 peratus

Kuala Lumpur: Permintaan domestik yang kekal memberangsangkan pada suku kedua (S2) 2023 telah menyokong ekonomi Malaysia, meskipun negara turut terkesan akibat kedinginan pasaran global.

Keluaran Dalam Negara Kasar (KDNK) Malaysia pada suku kedua 2023 berkembang 2.9 peratus dan menjadikan pertumbuhan ekonomi pada separuh pertama 2023 kepada 4.2 peratus.

Menurut Kementerian Kewangan (MoF), kadar pertumbuhan pada separuh pertama tahun ini adalah sejajar dengan unjuran kerajaan sebanyak 4.0 peratus hingga 6.0 peratus untuk keseluruhan 2023.

"Permintaan domestik kekal ampuh pada S2 2023 dengan peningkatan 4.5 peratus, manakala jumlah perdagangan luar menguncup 11.3 peratus kepada RM643.4 bilion pada suku kedua 2023.

"Perbelanjaan awam dan swasta menjadi pemacu pertumbuhan ekonomi, dengan kedua-dua sektor terbabit masing-masing meningkat sebanyak 4.6 peratus dan 4.5 peratus.

"Dari sudut penawaran, perkembangan ekonomi Malaysia pada suku kedua 2023 ini disokong oleh peningkatan dalam sektor pembinaan, perkhidmatan dan pembuatan," menurut Kementerian berkenaan.

Sektor pembinaan mencatat kadar pertumbuhan tertinggi, iaitu sebanyak 6.2 peratus diikuti dengan sektor perkhidmatan (4.7 peratus) dan sektor pembuatan



Ekonomi Malaysia mampu berdaya tahan dalam mendepani keadaan pasaran global yang mencabar. (Foto hiasan)



(5.4 peratus), Singapura (4.5 peratus), Indonesia (3.5 peratus) dan Amerika Syarikat (3 peratus).

Kerajaan yakin kekal unjuran pertumbuhan ekonomi 4.0-6.0 peratus untuk 2023.

Bagi separuh kedua 2023, permintaan luar dijangka terus terkesan dengan ketidakpastian global, iaitu ketegangan situasi politik, gangguan dalam rantai bekalan yang berterusan, dasar monetari yang ketat untuk meredakan inflasi global serta prospek pertumbuhan ekonomi utama, kebanyakannya adalah rakan dagang Malaysia.

"Namun, kerajaan berpegang teguh kepada unjuran pertumbuhan ekonomi Malaysia antara 4.0 peratus hingga 6.0 peratus. Landskap ekonomi dalam negeri kekal utuh berdasarkan statistik yang ada.

"Bagi memacu pertumbuhan dalam negeri, kerajaan akan mengekalkan dasar fiskal responsif

dan meneruskan usaha untuk mempercepatkan pencapaian pelaburan yang sudah diluluskan serta menggerakkan pelaksanaan projek kerajaan," ujar Perdana Menteri lagi.

Menurut MoF, sejajar dengan kerangka Ekonomi MADANI, kertas dasar, iaitu Pelan Induk Perindustrian Baharu 2030, Kajian Separuh Penggal Rancangan Malaysia Ke-12 dan Belanjawan 2024 akan memperhalusi strategi dan langkah untuk menstruktur semula ekonomi Malaysia serta menjamin pembangunan inklusif untuk rakyat.

Aspek tumpuan, termasuklah menambah baik proses untuk mengendalikannya perniagaan dan membawa pelaburan berkualiti untuk menjana pekerjaan bergaji lebih tinggi.

Selain itu, memastikan tata kelola baik dan memperkukuh perkhidmatan awam berkualiti serta prasarana yang lebih baik bagi mempertingkatkan mutu hidup rakyat.

INFO

- KDNK Malaysia**
- Suku kedua 2023 berkembang 2.9 peratus.
- Lonjak pertumbuhan ekonomi separuh pertama 2023 kepada 4.2 peratus.
- Unjuran pertumbuhan separuh pertama 2023 sebanyak 4.0-5.0 peratus untuk keseluruhan 2023.

Permintaan domestik suku kedua 2023

- Kekal ampuh dengan peningkatan sebanyak 4.5 peratus.
- Jumlah perdagangan luar menguncup 11.3 peratus kepada RM643.4 bilion.

Perbelanjaan awam dan swasta


- Jadi pemacu pertumbuhan ekonomi
- Masing-masing meningkat 4.6 peratus dan 4.5 peratus.

Sektor pembinaan, perkhidmatan dan pembuatan suku kedua 2023

- Sektor pembinaan catat pertumbuhan tertinggi sebanyak 6.2 peratus
- Sektor perkhidmatan catat pertumbuhan sebanyak 4.7 peratus
- Sektor pembuatan catat pertumbuhan sebanyak 4.5 peratus.

Inflasi dan pengangguran

- Turun daripada 2.8 peratus pada Mei 2023 kepada 2.4 peratus pada Jun 2023.
- Inflasi domestik Malaysia pada Jun 2023 rendah berbanding sesetengah ekonomi maju, serantau.
- Pengangguran catat kadar terendah pascapandemik, 3.4 peratus Jun 2023 berbanding 3.5 peratus Mei 2023.



Perkembangan ekonomi negara pada suku kedua 2023 disokong oleh peningkatan dalam sektor pembinaan, perkhidmatan dan pembuatan. (Foto hiasan)